

20164
25




增補病機沙篆卷六

雲間李中梓士林

門人尤

乘生



頭痛

頭者天之象也陽之分也六府清陽之氣五藏精華之血皆朝會於高巔天氣所發大淫之邪人氣所變五賊之逆皆能犯上而為酷害或蒙蔽其清明或壅遏其經隧與正氣相薄鬱而成熱脈滿而痛是皆為實也若寒溫所侵雖正氣衰微不與相搏而成熱然邪襲于外則脈凝澀而脈攣縮收引小絡而痛得溫則痛減是為虛也因風而痛抽掣惡風或自汗出川芎細辛羌活防丰升麻柴胡荆芥蕙乾葛薄荷甘菊橐本天麻蔓荆子白芷因暑而痛或有汗無汗惡熱香薷扁豆霍香黃連厚朴甘菊

因痰飲而痛昏重憤憤欲吐眼黑頭旋天麻半夏白朮陳皮甘
草芍藥因濕熱頭痛頭必重遇天陰尤甚合人煩心川芎細辛
蒼朮琴連羌防甘草冬月厥逆而痛大寒犯腦深入骨髓故頭
痛齒亦痛麻黃羌防升芷蒼柏黃芪附子僵蚕氣虛痛耳鳴丸
裏不利遇勞則甚參芪歸朮升麻芎芍細辛蔓荊子陳皮甘草
血虛痛自魚尾眉尖後近髮際上川芎生地黃箔荷當歸用沸
湯泡乘熱吸之候溫服氣血俱虛參芪苓朮芎歸升柴蔓荊細
辛凡治頭痛皆取風藥者乃東垣所云高顛之上惟風可到味
之薄者陰中之陽自地升天者也然有三陰三陽之別○太陽
惡風寒脈浮緊頭頂痛用麻黃川芎獨活橐本杏仁甘草少陽
頭角痛脈弦寒熱柴胡黃芩半夏甘草陽明頭額痛自汗發熱
不惡寒脈浮長緩實升葛芷甘石膏○太陰頭痛體重有痰脈

沉緩蒼朮半夏南星茯苓陳皮甘草少陰頭痛足冷脈沉氣逆
爲厥麻黃附子細辛湯厥陰頭項痛吐涎洙冷厥脈浮緩人參
吳茱萸大棗生薑

陰經頭痛可用溫藥附桂薑黃風濕生熱頭痛上壅損目及偏
正頭風年深不愈並宜空青膏芩連羌防芎柴甘荆如陽明發
熱惡熱而渴白虎湯加白芷頭旋眼黑者必用安神散羌防升
柴知柏芍連生地甘草或川芎散芎羌柴細荆箔菊草茵陳香
附槐子石膏熱厥頭痛時當嚴冬猶喜風寒畧見溫暖其痛使
甚清上瀉火湯荆防羌本細蔓參歸芪朮紅生甘芩知柏芍連
升等其十九味次服補氣湯參芪辛歸甘丁麻升煎服風熱頭
痛石膏散麻黃石羔乾葛首烏頭痛及胸痛食少寒冷咽隘不
利左寸絃急宜麻黃吳黃湯麻吳蒼羌升橐柴芩連柏芎細半

蔓紅甘陳新沐中風爲首風頭而多汗惡風當先一日則病甚
至其風日則少愈天川芎湯川芎天麻二味爲末蜜九茶送下
風氣循風府而上則爲腦風項皆惡寒腦戶極冷神金散麻黃
細辛乾葛霍香等分爲末酒下因發散太過宜酸收而斂之乳
香落蓋散甘桔陳柴乳香粟壳末服

腎厥頭痛王真丸硫黃二兩石膏半夏硝石各一兩爲末薑汗
丸薑湯送再灸關元百壯寒甚者去石羔用鍾乳或黑錫丹痰
厥頭痛眼黑頭旋惡心煩悶半朮天麻湯

狗蒙招尤目眩耳聾肝風虛動也鈎藤散鈎藤陳皮半夏麥冬
人參茯苓甘草甘菊石膏防風傷食頭痛胸滿惡食吞酸噎腐
香砂枳朮查麩麥小或紅丸子三梭莪朮青陳薑椒醋糊丸礬
紅爲衣傷酒頭痛葛母解醒湯葛根知母參苓砂蔻青陳香麩

猪苓生薑煎服怒氣傷肝頭痛宜以沉香降氣散沉香青陳柴
蘇細芍臭毒頭痛香附炒煎服偏頭風總屬於痰又左屬風荆
芥薄荷右屬血虛芎歸地芍雷頭風之痛而成核塊者是也或
如雷鳴清震湯荷葉升麻蒼朮腫黑宜刺出血亦有屬痰熱者
痰熱生風也用半夏一兩皂角薑汁煮大黃二兩酒浸紙包煨
三次殭蚕連翹橘紅桔梗天麻各五錢黃芩七錢薄荷三錢白
芷粉草礞石硝煨各一錢共爲末蒸餅丸臨臥茶吞二錢

眞頭痛天門眞痛主引泥丸夕發旦死旦發夕死腦爲髓海眞
氣所聚木不受邪一受不治古方用參附湯可救十中之一然
天柱折及手足青至節者則難爲力矣又法參附湯送黑錫丹
灸百會穴或有得生者黑錫丹沉香附子胡蘆巴茴香肉桂各
五錢補骨脂肉苳蔻木香各一兩硫黑鉛各二兩熔砂子二兩

酒煮麴糊丸梧子大陰乾布袋擦令光瑩每服四十九空心薑
鹹湯下

傷寒頭腫如斗多屬天行疫病東垣云身半已上天氣主之身
半已下地氣主之此雖邪熱客於心肺若以承氣下之是誅伐
太過矣宜消毒普濟飲芩連瀉心肺之火橘紅苦參生甘草瀉
火而兼補氣牛旁連翹薄荷葛根僵蚕馬屁勃解毒升麻引經
桔梗爲舟楫白湯調末時時服少許海藏論大頭痛者感四時
不正之氣大抵足陽明邪熱實資少陽相火而益熾視其腫在
何部隨其經而治之濕熱爲腫風木爲痛以先見者爲主治之
宜早不宜遲恐過其病所也頭分受邪見於至高之分當先緩
而後急先緩者不用重劑也更須緩服若急服則不能去病凡
藥性味形體皆宜緩施及寒藥須酒浸炒之其意皆是也後急

者謂已經高分之邪得瀉入於中焦染於有形質之地若不速
去反損陰也此謂客邪當急去之是治客以急也甘桔湯加石
膏白芷牛旁連翹大黃延胡僵蚕荆芥眉稜骨痛眉骨者目系
所過上抵於腦諸陽經挾外邪鬱成風熱毒上攻腦下注目睛
遂從目系過眉骨相并而痛若心肝壅熱上攻目睛而痛亦目
系與眉骨牽引而痛風痰上攻者亦然屬脾家濕氣內鬱寒迫
下焦痛流于項互引胃骨有痰者有抽掣者有重者有悶者各
審明而治之選奇湯最妙羌活防風各三錢酒芩一錢甘草三
錢水煎分三服如因風熱者祛風清上散酒芩二錢白芷一錢
五分茺萸防風柴胡各一錢川烏一錢一分荆芥八分甘草五
分水煎服因痰者二陳湯加芩芷因風寒者羌烏散羌細各一
錢川烏草烏俱風童便浸一宿各一錢酒芩炙草各五分其爲

未服○戴復菴分爲二症皆屬于肝一作肝氣傷發則頭引眉骨俱痛眼不能開晝靜夜劇導痰湯加川烏細辛又作肝虛痛若一見光明卽發生熟地黃丸主之

偏正頭痛搐鼻瓜蒂散藜蘆川芎蒼耳薄荷焰硝雄黃各一錢天竺黃一錢五分右爲末含水口中搐鼻一七立効治卒頭痛方皂莢末搐鼻取嚏又鵝兒不食草陰乾爲末取嚏亦妙○秘方貼兩太陽穴治火熱痛太黃爲末加焰硝等分以井泥和捏作餅貼之

頭風塞鼻方葷撥細辛爲末以猪胆汁拌紙條蘸於鼻內塞之又方胡椒爲末吹之又法卑麻肉五錢大棗十五枚共打和塗紙上用竹筋捲上去筋將此入鼻孔良久取下清涕卽止又法生萊菔汁仰臥注鼻中左注右右注左

針灸經云頭痛頭風頭運皆有風有火有痰亦多屬虛如本事方曰腎虛則頭痛下虛也肝虛則頭運上虛也均宜補之若灸百會顛會而丹田氣海必不可缺而痛腦項陷至泥丸者此眞頭痛旦發夕死夕發旦死四穴

頭痛筋攣驚不嗜臥謂之腎虛頭痛宜灸關元百壯服用玉眞丸○偏正頭痛刺絲竹空二穴風池二穴合谷二穴內撚針吸氣三口又內撚針吸氣五口患者自覺針下有痛一道如線上至頭爲度長呼氣一口出針立愈五穴

東垣云高顛之上惟風可到故味之薄者陰中之陽自地升天者也所以頭痛皆用風藥治之總其大體而言之然患病者血必不足而風藥最能燥血故有愈治而愈甚者此其要宜在養血不可不審也一人往返燕京感受風寒遂得頭疼數月不休

凡頭風之藥無所不服其痛更甚肢肉瘦削扶策踵門求予療治予思此症明係外邪如何解散不効語有之曰治風先治血血行風自滅本因血虛而風寒入之今又疏泄不已烏能愈乎又問之痛則不通通則不痛故以當歸生血活血木通利脈道而行當歸之力問患者能酒乎曰能而且可多近爲醫戒不敢飲因令用斗酒入二味于中浸三日夜重湯煮滾乘熱飲之至醉醉則去枕而臥臥覺疼若失所以取酒者欲引二藥之性上升于頭至醉乃臥者醉則挾肌膚淪骨脈藥力方到臥則血有所歸其神安也有治活人者推此用之思過半矣然又有火鬱于上而痛者經云火淫所勝民病頭痛治以冷劑宜酒芎藭石膏之類治之不可泥於此法也又有一方用芎歸熟地連翹各二錢水煎去渣以龍腦薄荷葉二錢放碗底將藥乘沸冲下鼻吸

其氣候溫卽服服卽安臥其効甚速然亦爲血虛者所設耳腦者髓之海髓不足則腦爲之痛宜茸珠丹之類治之如用風藥久之必死

目痛另有專科方藥今附針灸法于后

眼暴赤紅腫痛(合谷攢竹)睛明(臨泣)迎風流淚(上星風池)肝俞(大小骨空攢竹)臨泣(合谷)針灸(二間灸二穴)
目生翳障(上星合谷風池)睛明(瞳子窞)五穴
目昏肝俞灸七壯一法灸足三里引火下降目自明也
雀目(神庭)上星(百會)前頂(顛會)五穴宜出血以鹽塗之
小兒肝積眼(灸合谷)五壯第一大効穴
偷針眼視其背上有紅點如瘡以鋒針刺破卽瘥

眩暈

眩在眼黑而花暈如轉運之運俗名頭眩暈旋內經論暈屬肝木爲上虛仲景主痰丹溪主火與虛風則脈浮有汗川芎散川芎白芷防風甘菊人參茯神山茱萸山藥陳皮寒則脈緊無汗抽掣而痛不換金正氣散蒼朮厚朴甘草陳皮乾薑丁香棗薑
○肝朮上虛而眩四物湯加天麻甘菊枸杞腎虛上則頭眩六味丸加牛膝沉香肉桂納火歸元之法也伏痰嘔逆旋覆花湯參苓朮草橘半乾薑旋覆因火者茶調散或酒炒大黃末茶調服○七情所傷半夏茯苓陳皮棗仁遠志肉霍香木香肉桂青皮○有虛在氣分或汗多亡陽而眩者宜補中益氣加芎地天麻或腦虛而眩用鹿茸爲末同六味湯服

針法用(上星)風池(合谷)神庭(肝俞)腎俞(足三里)解谿等穴斟酌選用

防眩湯人參三錢白朮熟地當歸各一兩川芎山萸五錢白芍一兩半夏三錢天麻一錢陳皮五分水煎服蓋眩暈似乎小症卒然眼花倒仆而不可救者治之不可不早故曰防眩多服受益不可一二劑不見功而止也

心痛

心爲君主之官丙丁之元神靈之舍邪氣不得而犯之其受傷者乃包絡也包絡引邪直犯心藏謂之真心痛必死不治怵惕思慮則傷神神傷則虛而邪平之故胞絡受邪而痛也必主諸陽又主陰血故因邪而陽氣鬱抑者痛陽虛而邪勝者亦痛因邪而陰虛凝汗者亦痛陰虛而邪勝者亦痛方論分爲九種曰飲風冷熱血食悸虫疰俱未述內經之旨如內經論六淫爲邪乘心而痛各有病形故靈樞曰與背相控善瘳如從後觸其心

僂僂者腎心痛也。茴香、胡蘆巴、肉桂、地黃、附子、川練、沉香、茯苓、
腹脹、胸滿、心尤痛甚。胃心痛也。香附、茯苓、枳朴、蒼朮、陳痛如錐針、
脾心痛也。白朮、菖蒲、乾薑、歸芍、枳朴、香砂、甘陳、色蒼蒼終日不
得太息。肝心痛也。青沉、木香、芍桂、連甘、吳萸能俯不能仰動作
痛益甚。肺心痛也。白蔻、紫苑、天冬、桔梗、枳殼、乾薑痛引小腹上
下無定。澀便難則病心痛。取足厥陰藥用。茴香、川練、青木香、木
香、肉桂、歸地、心痛腹脹大便閉。枳朴、香菖、大黃、心痛引腰脊欲
嘔取足少陰。○心痛引背不得息刺足少陰。不已取手少陽。○
心痛腹脹。嗌嗌然大便不利。取足太陰。○心痛引背不得息刺
手太陰。○如五運六氣上下勝復相乘於心而痛亦必有諸痛
狀。苟未能悉何以施治哉。五藏失調皆爲心痛。刺治分經理甚
明悉。至如舍針用藥尤宜詳察其義。○腎心痛者多由陰邪上

冲故善瘕。如從後觸其心。○胃心痛者多由停滯中焦。故胸腹
脹滿。脾心痛者多由寒犯中焦。故其痛尤甚。○肝心痛者多由
木火之鬱。病在血分。故色蒼蒼如死然。○肺心痛者多由上焦
不清。病在氣分。故動作則痛益甚。知其氣則順之。在血則行
之。鬱則開之。滯則逐之。火多實則或散或清。寒多虛則或溫或
補。若犯真心痛乃不可治。其餘能得其情。應手而愈。易如探囊
也。

胃脘痛。今呼心痛也。其在蔽骨之下。所謂胃脘當心而痛。胃爲
濕土。位列中焦。多氣多血。是木穀之海。五藏六府皆於此受氣。
而天人所感之邪。壯者氣行自愈。弱者着而成病。冲和之氣變
爲偏寒偏熱。因而水穀不消。停畱與中風相薄。爲痛。惟肝木之
相乘者爲甚。木性暴疾。兼之正克也。其痛必上支兩脇。飲食不

下咽膈不通則爲食痺謂食入卽痛吐出乃止也腎氣之厥心痛厥氣上逆則寒邪犯胃而痛也或滿或脹或不能食或嘔吐或吞酸或大便難或泄瀉及面色浮黃四肢倦怠皆本病在胃也其天人相襲之邪大抵與厥心痛者相倣但與胃病兼見也難經曰陰維爲病苦心痛陰維行諸陰而主營營爲血血屬心故苦心痛也潔古云其治在足少陽三陰交仲景大陰症則理中湯少陰症則四逆湯厥陰症則當歸四逆吳茱萸湯又云按之心下滿痛者爲實大柴胡湯下之脈堅實不大便腹滿不可按承氣湯下之丹溪云外受寒者當溫散內受寒者當溫利病久屬鬱鬱則熱用山枝爲溫藥之向導則邪氣易伏寒客子胃則卒然而痛外吸涼風內食冷物二陳湯加草果荳蔻吳萸乾薑之類

卒心痛脈洪數黃連一味煎頓服大熱作痛清中湯黃連山枝

半夏陳皮茯苓甘草草荳蔻生薑有按之痛減者是屬虛宜酸

斂而養之不宜辛散○死血作痛脈瀰壯盛者抵當丸虛弱人

四物湯加桃仁桂心蓬朮山甲降香又有痰積作痛南星安中

湯痰重者加白螺螄壳或海蛤壳煨存性一錢調服○心膈痛

痛發厥吐逆藥不納者趨勢以鵝毛探吐痰盡而痛止○食積

作痛山查草果麩芽青陳酒積作痛白蔻砂仁乾薑○痰火痛

白礬朱砂等分爲末醋和丸薑湯下○寒氣痛菖蒲良薑草蔻

砂仁厚朴等分煎服○腎氣逆上冲心而痛韭汁和五苓散爲

末作丸茴香湯下○蟲痛則面有白斑唇紅能食或口吐沫先

以肉汁及糖引蟲向上然後用妙功丸空心服方見癰門○因

蝟作痛痛有作止令人吐蛔或渴與飲轉入轉吐蛔動故也川

椒烏梅兵榔黃連煎服○氣刺痛沉香降氣散沉香香附砂仁
甘草薑汁和九湯下二錢或四磨湯木香烏藥沉香鬱金等分
各水磨和酒服

厥法 浮大結宜降氣○沉瀦宜和血○沉細遲易治 聖大
實長滑數者難治

針灸法 心脾疼痛灸上腕中腕脾俞胃俞腎俞足三里 刺

內關三里三陰交內庭公孫十一穴

心痛欲絕一時無藥 急灸大拇足指甲男左女右三壯立効

腹痛

經脈者天真流行之道路也水穀之精散爲營衛行於脈之內
外調和五藏酒陳六府法四時升降浮沉之氣以成生長化收
藏皆天真之妙用也故曰氣血者人之神不可不謹養養之則

邪不能傷夫之則營衛解散諸邪乘虛客入矣於是氣停積聚
爲積爲痰血瘀血畜當邪正相搏故作痛也

脾胃內含心腹心肺內含胸膈兩脇脹內含肝膽小腹腰內含
小腸與腎大小腸衝任皆在小腹此藏府所舍之邪泣也

雲樞曰風雨傷于上清濕傷于下傷于上者病從外入內從上
而下也次傳經傳輸六經不通四肢則肢節痛腰脊強或着孫
脈或着絡脈或着經脈或着輸脈或着伏衝之脈或着於腸胃
之募原皆能成積而痛傳于下者病起于足故積之始生得寒
乃生厥乃成積厥氣生足之下脛寒之則血脈凝注寒氣上六
腸胃而脹腸外汁沫之道聚不得散日以成積○又曰傷於
藏者病起于陰多飲則腸滿起居不節用力過度則絡脈傷陽
絡傷則血外溢而衄血陰絡傷則血內溢而尿血腸胃之絡傷

則血溢于腸外有寒汁沫與血相搏則積成矣卒然外中于寒
內傷憂怒則氣逆上下凝結不通而積成矣未至于結塊乃汁
沫聚也至于七情氣逆營衛不行則液聚血凝及飲食用力過
度亦然不必陰與冷始作痛也又素問有云胃實血虛其脈軟
散當治食痺

素問云歲土太過濕淫所勝而痛有言衝脈之病氣溢於大腸
繞臍兩痛有脾傷傳腎少腹寬然而痛有肝熱腹痛有腎虛腹
痛有太陰厥心痛引背則諸邪竟入作痛何必以寒氣相關明
難經曰臍上痛心症也臍下痛腎症也臍右痛肺症也臍左痛
旺症也若厥心痛與五邪相乘而痛更有五藏之痛服于畢九
正在腹作痛者種種察之庶為醫之能事則病無遁情矣 臍
下忽大痛人中黑者多死

素問舉痛論叙腹痛十四條屬熱者僅一條須審正氣之虛實
別邪之盛衰最為切要

中脘痛太陰脾也實者香砂枳朮連朴蒼蓬附菟虛者參朮歸

芍芪苓甘陳益智乾薑飴糖臍腹脊痛者少陰腎也薑桂苟附

少腹痛者厥陰肝也歸芍桂辛甘通薑棗痛甚者正陽散附薑

皂角甘射或仲景芍藥甘草湯甲已化土真神方也如綿綿作

痛喜熱喜按香砂理中湯寒痛得溫藥不効用神保丸木香胡

椒各二錢五分巴豆十粒去皮心研去油蝎七個蒸餅丸椒目

大硃砂三錢為衣每服七丸空腹洋睡下時痛時止脈洪數用

芩連梔芍香壳朴陳甘蒼如昌暑宜香茹飲加參苓朮草如感

濕作痛小便癰大便溏脈細胃苓散如虫痛烏梅丸感應丸治

之**小腹痛**因畜血桃仁承氣湯加山甲桂因寒痛木香苟桂吳

黃青死血痛脈沉瀦降桂桃歸山甲大黃胡索因痲痛者茵桂
川練青皮木香青木香若藥錯腹皮急或透臍痛及生瘡乃小
腸癰也脈數爲膿用大黃葵根下之更以太乙膏丸服脈細小
遲者生堅大疾數浮長者死大痛而喘人中黑者死

刺腹痛須針足三里下氣爲良一穴

脾虛腹滿腸鳴切痛內關中脘三里三陰交四穴

透臍痛大腸病也天樞三里胃脘痛內關脾俞胃俞五穴

臍下冷疼灸氣海脾虛腹脹公孫三里內庭四穴

霍亂吐瀉欲死及小腹滿痛委中刺出血一穴

腰痛

經曰腰者腎之府轉搖不能腎將憊矣又云巨陽虛則頭項腰
皆痛此二條言正氣之虛也又云膀胱之脈挾脊抵腰故挾脊

痛腰似折此一條言邪之實也膏梁之人久服熱臍醉飽入房
損其真氣則腎熱腰脊病久則髓減骨枯發爲骨痠夫足之三
陽從頭走足足之三陰從足走腹經筋所過皆能爲痛治之者
須審係何經方得應手取効若專王腎虛或有寒濕風爲病者
毋乃固乎然虛爲本而風寒濕熱爲標亦有瘀血滯氣痰飲爲
病者○風痛者脈浮或左或右痛無定處牽引兩足宜防風蒼
朮白芷桔梗陳皮桃仁芎歸朴壳甚者加全蝎○濕痛者久坐
水濕或着雨露脈必帶緩天陰尤甚體亦沉重宜用腎着湯茯
苓白朮乾薑甘草或滲濕湯二朮二苓丁香乾薑甘草如挾風
加獨活寄生如挾寒加桂枝并用摩腰膏附子烏頭尖南星各
二三錢五分丁香章腦朱砂雄黃各二三錢五分乾薑一錢射香五
分蜜丸如圓眼大姜汁化如厚粥塗掌上烘熱摩腰中卽以熱

綿衣裏之挾濕熱者羗活勝濕湯感寒者腰間如水溶溶脈必浮緊得熱則減見寒則增宜用麻黃白芷桂附芎歸朴蒼陳羗并用摩腰膏傷熱痛者脈必洪數口渴便秘甘荳湯甘草二錢馬料黑荳二合加天麻續斷因閃蹶傷痛乳香散虎脛骨敗龜板各二兩血竭赤芍乳沒歸防白附蒼耳自然銅骨碎補肉桂乾薑各三兩牛膝天麻兵郎五加皮羗活各二兩爲末酒下二錢甚者加桃仁全蝎或用黑荳神散黑荳半升炒取皮芎歸芍地薑桂甘草蒲黃爲末童便和酒下二錢如不効瘀血甚也宜五積散加桃仁紅花大黃葱白煎服癩注痛者用二陳湯加南星烏藥香附只壳氣滯痛者脈沉宜沉香砂仁香附烏藥只壳桂怒氣傷肝及腎痛者芎歸牛膝杜仲木瓜細辛半夏菖蒲甘草棗仁煎服思憂傷脾及腎痛者歸脾湯加香附烏藥沉香砂仁抑鬱失志七氣湯人參半夏肉桂胡索乳香甘草薑棗煎服腰痛連引足膝者杜仲續斷牛膝骨碎補補骨脂胡索靈仙桃仁等分爲末酒糊加核桃仁打勻冗酒下五錢凡諸腰痛俱係腎虛而挾邪者須去其邪無邪則從補可也肉桂爲何導之藥鹿茸羊腎亦可腎藏志盛怒傷志而致腎敗者則腰脊強不能轉搖而死

針法 腰痛脊強宜人中委中二穴

腰疼及頭項強回顧不便委中承漿腰俞腎俞四穴

腰痛不可俯仰如坐水中穴取同上

腰脊內引痛不得屈伸近上合谷近下崐崙四穴

挫閃腰并脇痛尺澤曲池陽陵泉委中人中崐崙六穴

腰背俱疼合谷崐崙風池三穴

腰及足疼委中出血 腎虛腰痛久不已肩主腎俞三穴

素問腰痛論曰腰痛不可舉者申脈承筋主之此太陽之穴陽
蹻之本也又曰會陰之脈令人腰痛痛上漑漑然汗出汗乾令
人欲飲飲已欲走刺直陽之脈上三疝在蹻上郄下五寸橫居
視其上者出血何謂直陽足太陽之脈循腰下會於後陰故曰
會陰直陽之脈即陽蹻所生之申脈穴也蹻上郄下承筋穴也
即膈中央如外陷者中也太陽脈氣所發禁刺但視其兩膈中
夾血絡乃刺之出血二穴

又曰昌陽之脈令人腰痛痛引膺目流眵然甚則反折舌卷不
能言刺內筋為三疝在內踝上大筋前太陰後上踝二寸所此
內筋即陰蹻之郄交信穴也 疝音痿一穴

顛狂 顛屬府痰在包絡故時發時止
狂屬藏痰入于心故發而不止

顛之為症多因抑鬱不遂佗僚無聊精神恍惚語言錯亂或歌
或笑或悲或泣如醉如癡語言有頭無尾穢污不知經年不愈
俗呼心風有狂之意不至狂之甚也暴病曰狂久病曰顛故越
人云重陽者狂重陰者顛也 佗僚音條擊
失意之狀 內經云顛疾始生先
不樂頭重痛目赤身熱上實下虛已而煩心○骨顛疾者顛齒
諸俞分肉皆滿而骨居汗出煩惋嘔多沃沫氣下泄死不治○
筋顛疾者身蹇急嘔多沃沫氣下泄不治○脈顛疾者暴仆
四肢之脈皆脹而縱嘔多沃沫氣下泄不治○顛發如狂死不
治下泄不治○顛發如狂不治者由心之陽不勝其陰氣之逆
神明散亂陽氣暴絕故發如狂猶燈將滅而復明也○下泄不
治者因其邪入於陰陰氣滿閉塞於下則逆而上今氣下泄賢
氣虛脫故也○難經云脈有陰陽更有相乘相伏也脈居陰部

反見陽脈爲陽乘陰雖沉瀯而短爲陰中伏陽脈居陽部反見陰脈爲陰乘陽雖浮滑而長爲陽中伏陰也○王叔和脈經云陰附陽則狂陽附陰則顛陽附陰者腰以下至足熱腰以上寒也而陰附陽者腰以上至頭熱腰以下寒也蓋陰氣虛不能治於內則附陽而上升陽無乘而不下降故上熱而下寒陽氣虛不能衛於外則附陰而下陷故下熱而上寒○脈法 腎實者生 沉細者死

治法先宜以吐劑湧吐其痰涎用控涎丹甘遂大戟白芥子等分糊丸淡薑湯下七九壯者倍之吐其痰涎然後用安神之劑人參茯神琥珀菖蒲遠志棗仁乳香硃砂等○因驚而得者宜抱龍丸水銀二兩乳香一兩黑鉛一兩五錢將鉛入桃內下水銀結成珠子次下硃砂乳香乘熱研勻如芡實大每用一九空

心并花水下

因思慮而得者歸脾湯主之兼用天地膏酒服之○有因心經畜熱煩躁眼鼻如放火宜芩連花粉竹葉丹參麥冬茯神遠志菖蒲牛黃之類或因七情所致鬱痰爲熱者宜鬱金七兩明礬三兩細末薄荷湯泛爲丸每服二錢菖蒲薑湯下或因氣滯痰迷用四七湯半夏一錢五分茯苓一錢蘇葉六分厚朴九分薑棗煎服

如初起宜吐其痰苦瓜蒂爲末一錢并水調一盞服得大吐後熱睡切勿呼醒吐時或令人日翻須以手掩之吐不止用射香少許溫湯調下卽止吐後須人參茯神棗仁遠志琥珀南辛半夏木香煎服

附孫兆治一僧患顛半年不愈但儘以鹹物食之待其發渴可

來取藥今夜得睡明日便愈如法治之僧睡兩晝夜不省倫
一驚覺不可復治用酒調靈苑辰砂散辰砂一兩棗仁乳香
各五錢加人參爲末調酒恣飲取醉令臥淨室病淺半日或
一日病深者三兩日醒惜人不能用此人但知安神而不知
昏其神則神始安得睡者酒力也醉則神昏而反安矣
一婦人發顛用心藥不効投養正丹二服乳香湯送下更以
三生飲佐之生川烏生南星生附子加木香治愈一人病顛
脈喘且溝以承氣湯數下之而安

針法

神門 **內關** **人中** **足三里** **陰蹻** **陽蹻** **鳩尾** **心俞** **膽俞** **勞宮**

問使選用十一穴

灸法

山兒驚癇如狂

金門 **僕索** 灸三壯炷如麥大用針入

一分又灸崑崙

三壯炷同用針入三分三穴

狂症

狂之爲症皆因陽邪過極故猖狂剛暴若有邪附聲犬不避水
火罵詈不辨親疏登高而歌棄衣而走踰牆上屋非力所能或
言未嘗見之事少臥而不飢自高貴也自辨智也自負倨也故
越人云重陽者狂也素問帝曰有怒狂者此病安生岐伯曰生
於陽也陽氣者暴折而難決故善怒名曰陽厥陽明者常動巨
陽少陽不動而動大疾此其候也奪其食卽已夫食人於陰長
氣於陽故奪其食卽已使之服生鉄落爲飲以其下氣疾也口
陽氣抑鬱而不能疎越少陽胆木挾三焦相火與太陽陰火而
上逆使人發怒如狂奪其食者不使火助邪也飲以生鉄落者
金以制木也水平則火降故曰下氣疾也
帝曰陽明甚病棄衣而走登高而歌或至不食數日踰牆上屋

非其所能也病反能者何也岐伯曰四肢者諸陽之本也陽盛則四肢實實則能登高也熱甚於身故棄衣而走也○上焦實者從高抑下生鉄落飲生鉄四十觔入火燒赤砧上捶之有花墜地是名鉄落用水二斗煮取一斗入後藥石膏三兩龍齒茯苓防風各一兩五錢元參秦艸各一兩入鉄汁中煮取五升加竹瀝二合飲之自愈

在上者越之瓜蒂散見前○陽明實則脈伏大承氣下之虛者補之甯志膏人參棗仁辰砂乳香白蜜丸薄荷湯下或一醉散硃砂五錢蔓陀羅花二錢五分末服二錢酒送下若醉便臥勿驚之

經云悲哀動中則傷魂魂傷則狂妄不精不精則不止當以喜勝之以溫藥補魂之陽驚氣丸主之附子木香僵蚕花蛇天麻

麻黃橘紅乾葛各五錢蘇葉一兩南星五錢硃砂爲衣入冰射少許蜜丸圓眼大一丸金箔薄荷湯下又防已地黃湯防已一錢桂枝防風各三錢甘草二錢酒浸一宿絞取汁生地二斤酒浸亦取汁和勻服以補魂之三陽○喜樂無極則傷魄魄傷則狂當以恐勝之以涼藥補魄之陰辰砂丸主之辰砂白礬鬱金爲末蜜丸或以苦參一味爲末蜜丸薄荷湯下十九補魄陰之三婦人熱入血室發狂不認人者牛黃丸牛黃二錢五分硃砂丹參丹皮鬱金各三錢冰片甘草各一錢爲末蜜丸新汲水化服又方一味大黃爲末童便調服

凡症類顛狂脈候乍大乍小乍有乍無忽如常脈忽如鵲啄屋漏魚戲皆崇脈也秦承祖先以蘇合香丸湯調灌之稍甦用木香烏藥白蔻檀香砂仁霍香蒼朮厚朴陳皮甘草生薑煎服○

又取東向桃柳枝各七寸煎湯灌之可甦虛人甦後以歸脾湯調理之可也

凡中鬼祟卒然仆地切勿移動其人宜令人圍繞打鼓焚燒諸品名香香氣不斷候甦方可移動

顛狂哭笑悲歌妄言登高棄衣多稱鬼神邪言灸百會三壯針

人中三分心俞間使神門

灸尸厥秘法用繩圍患人男左女右臂腕截斷將繩從大椎上度下脊上繩頭盡處七七壯立甦一穴

扁鵲取**三陽五會**更熨兩脇下腕灸已即甦一穴

尸厥暴死不省人事**百會人中啞門台谷四穴**

痰癇

癇病發時昏不知人卒然倒合甚而癲癡抽掣目上視或口眼

喎斜或作六畜聲將醒時口吐涎沫有連日發者有日三五回

發者中風中寒中暑中熱則仆時無聲醒時無涎不復發也

瘖病亦屢發熱身體強直角弓反張不知癇之身軟或爲六畜

之鳴也瘖舊作瘖傳寫之誤也此症面赤目赤頭掙口噤皆及

弓張或頸項強急者世多認作驚癇治之天枉者比比耳瘖亦

有二症熱爲寒抑無汗之瘖也濕蒸爲熱有汗之瘖也明者之

癇症之發厥由腎中龍火而上升而肝家雷火相從而助也惟

有肝風故作搐搦搐搦則通身之脂液逼迫而上隨逆氣而吐

出於口也陰氣虛不能甯謚於內則附陽而上升故上寒而下

熱陽氣虛不能周衛於外則附陰而下陷故下熱而上寒脈經

曰寸口脈前部左右彈者陽踞也動苦腰背痛又爲顛癇僵付

羊鳴惡風偏枯麻痺身體強又曰微瀯爲風癇並取陽踞在外

蹠上三寸值絕骨是穴即輔陽穴也又曰寸口脈後部左右彈者陰蹠也動苦顛癩寒熱皮膚淫痺又為少腹痛裏急腰及髓窮下相連陰中痛男子陰疝女子漏下不止髓髀骨也窮腰下穴也

張潔古曰二脈起於足使人蹠捷也陽蹠之絡為病陽急則狂走自不兼表病裏和陽病則寒可針風池風府風府在頂後入髮際一寸大筋內宛宛中○陰蹠為病陰急則陰厥脛直五絡不通表和裏病陰病則熱可灸照海穴及陽陵泉在膝下一寸脛外廉陷中○又曰顛癩晝發灸陽蹠夜發灸陰蹠

王叔和脈經曰寸口脈從少陰斜至太陽是陽縱脈也動苦肌肉痺痒及膚痛下部不仁汗出而寒又苦顛仆羊鳴手足相引甚者失音不能言宜取客主人在耳前起骨上廉開口有空乃

手足少陽陽明之會○又曰寸口脈從少陽斜至厥陰是陰維脈也動苦顛癩僵仆羊鳴又苦僵仆失音肌肉痺痒應時自發汗由惡風身洗洗然也取陽自金門僕參

又曰尺寸俱浮直上直下此為督腎腰背強痛不得俛仰大人顛病小兒風癩又脈來中央浮直上直下動者督脈也轉若腰背膝寒大人顛小兒癩宜灸頂上三壯即腦戶之類張仲景金匱云

脊強者五瘕之總名其症卒口噤背反張諸藥不已可灸身柱大桂陶道穴○又云瘕家脈築築而弦直上下行○難經曰督脈為病脊強而厥王海藏云此病宜用羌活獨活防風荆芥細辛藁本黃連大黃附子烏頭蒼耳之類

巢氏不達內經叔和之旨妄立五癩之說一日陽癩二日陰癩三日風癩四日馬癩五日風癩不知癩症之發由腎肝龍雷上

冲如從標病得者止在經脈不通從本而得者邪入腎間動氣夫兩腎間動氣是生氣之本藏府之根呼吸之門也所謂生氣者陽從陰極而生即蒼天之氣所自起之分也故經曰蒼天之清淨則志意治順之則陽氣固雖有賊邪不能害也或經脈引入外感內傷於本即傷其生化之原而命門相火自下逆上塞其音聲迫出遍身之鳴與脾之涎沫湧出於口潮入於心故卒倒無知而古今論治皆不審內經之旨深可慨也

劉河間以爲熱甚而風燥其兼化也專以清涼爲主因分六氣爲外因七情爲內因飲食爲不內不外

丹溪主痰與熱用星半芩連爲主熱多者清心痰多者行吐然後用安神平肝之劑調治歸地芎柴硃砂青代牛黃金箔之類張子和法汗吐下並行虛而不勝三法者宜星香芩參菖蒲門

冬全蝎竹瀝或龍腦安神丸犀角茯神人參麥冬各二兩冰射牛黃各三錢馬芽硝二錢甘草骨皮桑皮各一兩金箔三十五片蜜丸彈子大薑湯下日三服○因火熱者黃連麥冬茯神竹葉半夏南星柏子仁菖蒲元氣實者滾痰丸大黃二兩黃芩三兩沉香一兩蒙石硝石同煨一兩水澄竹瀝薑汁神曲糊丸或參硃丸虛實可用最妙以人參蛤蚧硃砂等分爲末猪心血爲丸金銀湯送下

晝發治陽躄宜升陽湯麻黃連節八錢蒼朮一兩五錢炒防風八錢炙甘草五錢空心煎服

夜發治陰躄宜四物湯加柴胡括婁半夏南星菖蒲遠志棗仁知母黃柏空心煎服

最朝發者病在足厥陰肝○**平日發者**病在足少陽膽○**日午**

發者病在足太陽膀胱○黃昏發者病在足太陰脾○不定時發者病在足陽明胃○半夜發者病在足少陰腎○前方中依發時如引經藥治之

千金方云先身熱疫癘驚啼而後發脈浮大者爲陽癘在府易治○先身冷不驚掣不啼叫而病發脈沉細者名曰陰癘在藏難治 劉宗厚云陰陽癘卽急慢驚也

陽癘者 痰熱客於心胃聞驚而作若痰熱甚者雖不驚觸亦作也宜用涼劑 陰癘者 亦本於痰熱而用寒涼太過損傷

脾胃變而成陰法宜溫補以燥濕之品治之 病人而痰成窠燥須與厚朴九厚朴川椒川烏各一兩半紫苑吳萸柴胡菖蒲桔梗茯苓官桂皂角乾薑人參各二兩黃連二兩半巴霜五錢蜜丸桐子大每服五七十九丸薑湯下春夏加黃連二兩秋冬加

厚朴二兩外加人參菖蒲茯苓各一兩五錢窠囊日久必至生蟲宜妙功丸服之木香丁香沉香各五錢乳香射香熊膽各二錢五分白丁香三百粒輕粉四錢五分雄黃青皮芩連胡連各五錢黑丑三稜蓬朮雷丸崔風甘草陳皮各一兩大黃一兩半赤豆三百粒巴豆七粒喬麥麩兩半作糊每丸重一錢硃砂爲衣陰乾溫水化開服輕者卽愈重者喫三服用治諸癘俱効然須防其再發宜十全大補湯加棗仁遠志麥冬硃砂金銀箔補其心氣經年不輟可保不發而六味丸亦不可少如脈沉小急實虛而茲急者皆不治

灸法 狂言不避水火 間使三七壯 百會九壯二穴

顛癘痰癡不知所苦 二躄主之男陽躄女陰躄二穴

晝發 取陽躄申脈 夜發 取陰躄照海四穴

矢志癡呆 取神門鬼眼百會三穴

凡灸兩躄各二七壯必先用藥下之乃灸否則痰氣壅塞必殺

小兒急慢驚癇切不可執持其發搐又不可混灸愚謂風癇可

灸驚熱不可灸風癇之痰若灸着穴痰去心清可漸安矣每見

人無術輒投艾火不惟失穴兒反增悸且小兒經絡脈道未全

戒之

小兒驚癇先怖恐啼叫乃發也用炷如麥大灸頂上旋毛巾中三

壯及耳後青絡脈

風癇先出手指如數物狀乃發也灸髮際宛宛中三壯一穴

豬癇病如尸厥口吐青沫灸目關三壯一穴

羊癇目瞪吐舌羊鳴灸第九椎下間三五壯一穴

馬癇張口搖頭身反折馬鳴灸僕參左右穴三壯二穴

牛癇善驚反折手掣手搖灸手少陰掌後去腕五分陷中一穴

怔忡驚悸恐

人之所主者心也心之所主者血也心血消亡神氣失守則宅

舍空虛痰因以客此怔忡之所由作也心中惕惕然跳築築然

動怔忡忡忡不能自安即所謂悸也一屬虛一屬陰虛由陽氣

丙虛心神不足內動為悸宜人參白朮黃芪甘草茯神以養心

氣虛由陰氣內虛火即妄動而悸宜參麥生地歸身龍眼以養

心血飲由水停心下侮其所勝心君畏水不能自安故惕惕而

悸宜茯苓白朮半夏橘紅茯神以清其痰飲或有汗吐下後止

氣內虛以致怔忡者宜參芪朮草歸芍之類以補其耗散之氣

血亦有邪氣攻擊而悸者宜審其為何邪而攻去之又有脈來

結代是營衛不行非補氣血生津液者不能治也

心爲君火包絡爲相火火爲陽陽主動君火之下陰精承之相
火之下水氣承之如是則動得其正而清淨光明爲生之氣也
若之所承則煩熱而爲怔忡當補其不足以安其神氣未瘥則
求其屬以衰之壯水之主以制陽光也
各藏有疾皆能與包絡之火今動而爲怔忡隨其所犯而補瀉
之更須從包絡而調治平之如各藏移熱於心以致胞絡火動
者治亦如之

有所憂慮便怔忡者屬虛歸脾湯主之○有時作時止者痰因
火動也溫膽湯加黃連或二陳加枳實香茹○瘦人多血虛肥
人多氣虛或痰飲

陰火上衝怔忡不已者甚則頭運眼花齒髮脫落或見異物鬼
神之類或腹中作响皆宜滋陰降火宜六味加知柏茯神棗仁

養心之品日服降火藥不愈者是無根失守之火宜八味丸

亦有所求不遂或過縱自悔噓嗟夜語若有所失者宜以溫膽
湯加人參柏子仁爲丸辰砂爲衣日三服

胸中否塞不能飲食心中如有所怯者喜居暗室或倚門後見
人卽畏避無地此名卑慄之病專由於血不足也宜人參養營
湯加藿香穀芽

驚悸恐各有不同 驚者卒然驚觸不自知也悸者本無所驚
心自動而不甯卽怔忡也恐者自疑若人將捕不能獨坐臥也
治調之法悸則祛其痰驚則安其神恐則定其志心爲離火內
陰而外陽腎爲坎水內陽而外陰心以神爲主腎以志爲主陽
火陰水心腎旣濟神志自甯全在陰精上奉以安其神陽氣下
藏以定其志

驚氣入肝黃帝問曰足陽明之脈病惡人與火聞木音則惕然而驚岐白對曰陽明者胃脈也胃者土也聞木聲而驚者土惡木也因大驚而成者脈必動如豆粒而無頭尾以黃連安神丸鎮之硃砂黃連生地歸頭甘草爲末蜜丸腎虛而服人參黃芪白朮元參黃柏鹽水炒當歸熟地等膽虛而服人參枸杞棗仁柏子仁熟地五味桂半夏茯苓陳皮肝膽俱虛百藥不效鹿角膠酒化空腹下五錢極妙古人所謂肝無虛不可補補腎即所以補肝也肝藏血血不足則恐四物湯加山黃棗仁丹參圓肉胃虛則恐必宜六君子湯主之怵惕思慮則傷神傷神則恐懼自失歸脾湯主之經云精氣并於腎則恐地黃天冬枸杞遠志茯苓健忘者腸胃實而心虛心虛則營衛留於下火之不以時上故善忘歸脾湯加升柴大棗腎盛怒而不止則傷志志傷則

喜忘其前言地黃歸芍丹皮遠志茯苓天冬思慮過度痰迷心竅而善忘者歸脾湯加橘半枳朮茯苓硃砂心腎不交宜朱雀丸沉香五錢茯苓神二兩蜜丸參湯送下或交泰丸黃連一兩肉桂一錢爲末蜜丸淡鹽湯送下

針法 心中虛惕神思不安 膽俞心俞內關通里四穴

怔忡健忘不寐守少陰心虛 內關 針五分灸三壯 神門

針三分灸二七壯 少海 針一分三穴

健忘

經云上氣不足下氣有餘腸胃實而心氣虛虛則營衛留於下火之不以時上故善忘也又曰腎盛怒而不止則傷志志傷則喜忘其前言血并於下氣并於上亂而喜忘宜代抵當丸去其瘀血大黃四兩生地歸尾桃仁山甲元明粉各一兩桂三錢爲

未蜜丸

思慮傷脾歸脾湯挾痰加薑汁竹瀝精神短少人參養營湯參
芪朮草熟芍歸苓桂心遠志五味陳皮薑棗

痰迷心竅導痰湯二陳加膽星枳實或二陳送壽星丸琥珀膽
星硃砂猪心血薑汁九參湯送下上盛下虛以丹參麥冬茯神
遠志人參黃芪甘草升柴水火不交宜朱雀丸見前

稟賦不

足以致健忘孔聖枕中丹遠志肉石菖蒲龍骨龜甲等分爲末
酒服三錢

又方石菖蒲遠志肉等分爲末戊子日服二錢令

人不忘丁酉日蜜自往市買遠志戴帽中歸然後爲末酒調服
勿令人知治忘如神

不能寐

經曰陰氣畱於陽則陽氣滿不得入於陰則陰氣虛故目不瞑

也衛氣畱於陰則陰氣盛不得入於陽則陽氣虛故目閉也○

難經曰老人寤而不寐少壯寐而不寤少壯者血氣盛肌肉滑
氣道通營衛之行不失其常故日清而夜不寐老人血氣衰肌

肉不滑營衛之道瀦故晝反不能清夜不寐也○經曰諸水病
者不得臥臥則驚驚則欬甚○陰虛目不瞑內經飲以半夏湯

一劑陰陽已通其臥即安以流水千里以外者八升揚之萬遍
取五升炊以葦薪沸則秫米一升半夏五合徐炊令竭去一升

半去查飲汁一小杯日三服以知爲度病新發者覆杯則臥汗
出則已矣久者三飲而已矣○又云胃者六府之海其氣下行

陽明道不得從其道故不得臥也故曰胃不和則臥不安此之
謂也白朮陳皮茯苓砂仁生薑仲景治虛煩不眠酸棗湯主之

棗仁甘草知母茯苓川芎生薑驚悸不得眠半夏製茯苓陳皮

甘草芡實竹茹虛勞煩熱不得眠棗仁二兩研水二盞絞汁同
半夏二合煮糜入地黃汁一合再煮時時與服口煩躁不得眠
六一散加牛黃脾虛不眠寒也棗仁炒末竹葉湯調服膽賁多
睡熱也棗研生末薑茶湯調下臥而多驚邪在肝膽羌活勝濕
湯參芪甘苓羌獨芎藭防蔓辛薄柴等治之大凡怔忡失志驚
悸健忘心風不寐皆係胆涎沃心或因心氣不足反以涼心太
過心火益微痰涎愈盛惟以理痰順氣爲第一義導痰二陳加
枳殼南星菖蒲喘不得臥蘇子橘紅桔梗甘草竹茹厥陰不得
臥生牛膝丹皮苡仁沉香官桂木通之類總之補肝和胃二法
針灸法 見前怔忡門

不能食

胃氣盛則能食而不傷過食而不飢脾胃俱虛不能食而瘦脾

胃俱望則能食而肥凡不能食必作虛論一作火衰脈緩怠惰

肢重洩瀉濕也二朮茯苓陳皮甘草厚朴薑棗脈弘氣弱首汗

肢熱泄瀉毛枯髮脫虛而熱也虛火可補參芪朮草苓芍山藥

陳皮之品脈虛氣弱四君子加半夏炮薑虛而有痰六君子加

薑汁痰積痞膈而不能食皂角燒存性研末酒下脾虛不運而

不能食切不可消克宜以異攻散調之或嗜食太過脾胃痞滿

不食枳朮丸亦不可多服或服補藥未効加香附老年食滯宜

用木香乾薑丸白朮二兩枳實一兩乾薑七錢木香五錢荷葉

煎湯調打神麴糊爲丸或以補骨脂肉苳蔻各二兩木香一兩

神麴糊丸服又方兔絲子淘淨酒浸晒乾爲末酒服三錢十日

外飲啖如湯沃雪或用八味丸補命門之火以壯脾土爲進食

妙劑中焦是治自無前症矣亦有心腎不交以致脾失健運宜

鹿茸橘皮煎九橘皮十兩去白爲末又用五觔不去白于磁鍋
煮汁去渣如飴聽用鹿茸兔絲吳萸乾薑厚朴菴蓉巴戟附子
華蘼石斛牛膝杜仲陽起石各三兩炙草一兩已上各如法製
共爲末如前飴并皮水搗和丸桐子大空心鹹湯下三十九
惡聞食臭天劑參朮各須用薑汁拌炒煎服九宜資生九人參
白朮苡米仁各三兩橘紅山查神麴各二兩白茯苓芡實各兩
五錢山藥麥芽白扁豆蓮肉各二兩黃連肉蔻各三錢半桔梗
藿香甘草各五錢蜜九重二錢每一丸空心細嚼薑湯下

針法 丙關 中腕 足三里 丙庭 公孫五穴

灸法 灸間使三十壯若四肢厥冷脈沉不至乾嘔不食藥皆
吐灸穴使通此起死回生之法也二穴
自汗盜汗

內經云陽氣有餘身熱無汗陰氣有餘多汗身寒陰陽有餘則
無汗而寒此平人也又云飲食飽甚汗出於胃驚而奪精汗出
於心持重遠行汗出於腎疾走恐懼汗出於肝搖體勞苦汗出
於脈口臥而出汗醒則條收名曰盜汗不因發表不因動作自
然汗出名曰自汗

夫心之所藏在內者爲血發於外者爲汗自汗之症未有不因
心腎俱虛而致若陰陽虛則腠理發熱自汗此陰陽偏勝而致
又有傷風中暑驚恐房勞應節風濕腸癰痰飲產毒諸症亦能
自汗

仲景云肉極則津脫腠開汗大出巢氏曰勞症陽虛津液多汗
又云心熱則腠理開而汗出
蓋心之陽不能衛外而爲固則自汗出腎之陰不能退藏而爲

自汗盜汗

盜汗出肺主氣又主皮毛司腠理肺虛則表不能衛而自汗出邪在於內則玄府不閉則汗從腎府出邪在於表則腠理不密而

藏府之陰拒格衛氣浮散於外無所依從則汗出胃虛水穀之氣脫散則汗目出

陰虛陽必勝故發熱自汗當歸六黃湯主之陽虛陰必乘故發厥自汗黃芩建中湯主之身冷自汗陰躁欲坐臥於泥水中脈浮而數按之如無經曰脈至而從按之不鼓諸陽皆然此陰盛格陽也真武湯水冷與服

皮膚滯而尺脈滑營血自涸者多汗又津脫者汗大泄宜調衛湯痰多汗自出痰消汗自止理中降痰湯火氣上蒸冒濕作汗涼膈散氣不順則汗小建中湯加木香芍藥官桂炙草薑棗

飲酒中風則為漏風而多汗白朮散牡蠣白朮防風黃芪病後氣血俱虛或產後氣血俱虛自汗者十全大補湯別處無汗惟心孔一片有汗此必思慮傷心也獐猪心一具破開帶血入參歸身各一兩用線縫煮熟去藥食心仍以艾湯調茯苓末服如是三服取効倘諸藥止汗不効但理心血液汗乃止十全大補湯加棗仁遠志肉五味硃砂鎮攝心神為主若汗出如珠如膠而淋漓揩拭不逮者皆不可治

頭汗出齊頸而遺血症也額上偏多者首為六陽之會蒸熱而汗也左頰屬肝右頰屬肺鼻屬脾土額屬腎額屬心三焦之火涸其腎水其外溝渠之水迫而上行於心故額偏多而心虛不足也丹參當歸生地茯神棗仁白芍黃芪枸杞圓肉手足汗多氣熱也白芍黃連牡蠣亦有氣弱者汗多冷十全大補湯或按

風痿者加白附子川烏

盜汗陽衰則衛虛所虛之衛行於陰當自暝之時無氣以固其表則腠理疎而汗醒則行陰之氣而後於表汗自止故名盜汗又名寢汗

傷寒陽明病脈沉實有力潮熱自汗脈芤浮者必盜汗又三陽合病因合則汗傷寒盜汗非雜症之責其陰虛也邪在半表半裏小柴胡火氣上蒸冒濕自汗亦非陽虛所以涼膈散自汗陰蒸於陽土屏風散盜汗陽蒸於陰當歸六黃湯虛人加黃芪減芩連身熱加骨皮秦艸肝虛加棗仁肝實加胆草煩心加連辰砂麥冬竹葉脾虛加朮芍山藥去芩連
灸法諸汗灸膏肓大椎復溜
針列銑雲門五穴
傷寒自汗及當汗不汗補合谷

傷寒汗多不止瀉內庭合谷補復溜白勞
傷寒無汗及自汗發黃瀉復溜內庭補合谷
虛弱人盜汗不止瀉合谷補復溜

關格

關者陰盛之極故關閉而澁不得通也**格者**陽盛之極故格拒而食不得入也經曰上下不通暴憂之病也又曰傳化不行上下不并良醫弗為身半以上陽氣常在則熱為主病身半以下陰氣常在則寒為主病忽然生逆二便不通甚則煩亂身冷無脈此氣閉也與大承氣湯則便通吐止脈和矣脈虛人倦人參菴苓半夏陳皮甘草生薑水煎入冰射少許服脈沉細肢冷參附加冰射為末糊丸每服十九脈數有熱五苓散加枝子大黃厚朴只殼兵郎木通陳皮生薑水煎入冰射少許服

又法皂角燒存性爲末米湯送或猪脂二兩煮食

通鼻取嚏卽止遇大驚亦止

下後與瀉利日久或大病後氣呃中氣虛也虛而熱
者人參有茹陳皮甘草生薑大棗虛而寒者人參白朮甘草乾
薑附子丁香柿蒂大便閉脈沉數者調胃承氣呃而心下悸者
半夏陳皮茯苓甘草南星木香竹瀝薑汁丁香柿蒂煎服久病
虛人見之爲危火呃水煎乾柿湯加老生薑服呃呃連聲爲實
可治呃間半時再呃爲虛難治脈散大者死

霍亂

霍亂者心腹脹痛嘔吐泄瀉憎寒壯熱頭痛眩暈先心痛則發
吐先腹痛則發瀉心腹俱痛吐瀉并作或手足冷或自汗甚則
轉筋入腹則死多因中氣不足或內傷七情外感六氣或傷於

飲食往往發於夏秋陽熱迫於外陰寒伏於內使人陰陽反戾
清濁相于陽氣暴升陰氣頓墜陰陽否隔上下奔迫治調之法
溲脾胃之濕散諸邪之氣然脾胃有虛有實感邪有陰有陽宜
消息施治

內經云太陰所致爲霍亂又曰上鬱之發民病霍亂又歲土不
及風乃大行民病霍亂又足太陰之經厥氣上逆則霍亂如巢
氏病原乃曰霍亂由清濁相于亂于腸胃因飲食而發者心腹
絞痛因風寒而發者身體疼痛因於心者但心腹痛而已此妙
訣內經之旨不復問矣

劉河間專主火熱張子和則以風濕暘三氣合爲病蓋土濕
爲風木所克又爲炎暑鬱蒸致嘔吐者暑熱之變也泄瀉者土
濕之變也轉筋者風木之變也合眾論而參治法爲活法安可

執一說以誤人耶

羅謙甫於牆陰掘地約二三尺深取土入新汲水攪之澄清名曰地漿服之則氣和而吐瀉自止若多食涼水瓜果所致如霍香木香厚朴陳皮蘇葉生薑若四肢重着骨節煩疼因於濕也二朮朴陳茯苓澤車前若七情鬱結宜烏藥香附木香只殼厚朴陳皮蘇子若手足厥逆氣少神清者寒也四逆湯加食鹽如轉筋者風木克脾土也平胃散加木瓜如身熱煩渴氣粗口燥面垢者暑也香茹黃連厚朴陳皮甘草生薑煎好澄冷服如食滯者腹痛不可近香砂二朮枳實荳蔻在上者計之食鹽湯在下者加大黃下之通用藿香香茹砂仁厚朴半夏茯苓甘草陳皮生薑復蓋用蘇合香丸以通其否塞次進藿香正氣散加木香煎吞來復丹若瀉甚則勿用來復丹若瀉而不吐胸悶濃鹽湯

擦吐如已吐未吐並可用正氣散或問進蘇合香丸但吐而不瀉心腹大痛頻欲登園若于不通宜木香只殼桔梗煎服若膈而不下來復丹引導下行吐瀉不止元氣耗散病勢危篤或米粒不入或口渴喜冷或惡寒戰掉手足逆冷或發熱煩躁揭去衣被此內虛陰盛不可以其喜冷去被爲熱宜附子理中湯甚則四逆湯並須冷服霍亂已透而餘吐餘瀉未止腹有餘痛宜一味扁豆葉煎服如胸痛甚因吐不透橘紅鹽各一兩煎服大吐瀉後虛煩而渴津液枯竭人參麥冬花粉乾葛甘草茯苓煎服乾霍亂飛鹽四五錢調童便服此良法也遲則難救所謂乾霍亂者心腹脹痛煩躁憤亂不吐不瀉是也俗名攪腸沙此土鬱不發泄火熱內熾陰陽不交指爲火極之故或云方論皆言宿食與寒氣相搏何以獨指火乎曰悶亂煩痛故經云諸躁狂

越皆屬於火者乎又卒暴之病亦屬於火者乎但火之太過則反悍格須反佐以治然後火可散耳古法有用鹽煎童便非第用其降火亦煎取其行血故妙

妊孕霍亂先吐或腹痛吐瀉是因於熱也頭疼體痛發熱是挾風若風犯皮膚則氣不通而風火上冲必為頭疼右風入脾胃則瀉利嘔吐甚則手足逆冷妊婦患此多致損胎薛立齋云如內傷飲食外感風寒霍香正氣散若只因食滯平胃散若陽氣虛寒手足逆冷溫補為急理中湯

產後霍亂府藏虛損飲食不消感冒風冷所致若熱而欲飲水者五苓散若寒而不欲飲水者理中湯虛冷者理中加附子或來復丹

凡霍亂初起及新愈不可便與穀氣每致殺人如吐瀉已多元氣困極審無邪症須米飲補養脈洪大者吉如脈見微細而舌卷囊縮者不治

霍亂之後陽氣已絕或遺尿或氣乏不語或汗出如珠或躁欲入水或四肢不收皆為死症

霍亂欲死灸法肘尖七壯取令病人端坐又手平胸肘後突出尖骨罅中是穴用指甲按切酥麻為真背後灼艾一穴針法將委中出血又法以水將手拍而腿彎立止二穴

肩背痛

經曰西風生於秋痛在肺膈在肩背其分野所屬故也又云肺氣有餘則肩背痛風寒汗出虛則肩背痛而寒少氣不足以息又云少陰司天熱淫所勝痛在肩背缺盆又云邪在腎則肩背痛是腎氣逆上也

歲火太過肩背熱痛卽少陰司天金爲火賊故也宜二冬知地
甘桔歸苓如風寒汗出肩背痛小便數宜防風湯升柴羌藁參
芪青皮白薤黃柏虛者去柏加桂枝

肩背痛不可回顧此小腸氣鬱也宜用風藥散之 因有看書
對奕所致者宜十全大補湯如只殼桔梗理其滯氣風勢乘間
而痛宜荆防牛旁粉苓桔殼如短氣小便自遺者虛也補中益
氣湯

濕熱項強連背者宜拈痛當歸湯羌防升葛二朮歸甘參桂知
苓澤茵苦陳

常肩背冷痛一片痰飲凝積也宜消之導痰湯加木香香附桔
枳開散倍以白芥子

腎氣逆上痛引肩背沉香肉桂青鹽止膝川椒小茴茯苓膀胱

夾脊脈道六味湯加肉桂苡仁芡實

○肩背痛不能回顧此手太陽氣鬱不行肩貞 肩外俞 肩

中俞 肩髃 藥用風劑散之四穴

下部足腿膝處冷痺卽俗呼筋寒鶴膝風陰陵泉宜刺不宜

灸陽陵泉針灸皆宜躡跳 風市選用四穴

臂痛

六經分治 兩手伸直貼身垂下大指居前小指居後屬前廉
係陽明經升麻乾葛白芷後廉係太陽經羌活藁本外廉係少
陽柴胡內廉係厥陰柴青內廉前係太陰升麻葱白白芷內後
廉係少陰獨活

痛有風濕所搏寒邪所襲者宜白芷荆芥芎歸甘桔枳椇芍藥

乾薑蒼朮桂枝 痛有挈重傷筋宜入味湯加官桂丹皮胡索
寄奴木瓜片薑黃 痛有痰飲流注患處冷而不熱輕者導痰
湯加木香片薑黃重者控涎丹

針法 肩膊背及兩脾紅腫痠疼俯仰不便牽引作痛用 肩

外俞 肩井 肩髃 脾縫 曲池

灸法 凡臂痛多作勞所致技藝辛苦之人與士子攻苦及閨閣
針指女工者有之亦有色勞者如晉之景公是也風濕流主
於太陽未必非勞苦時所感也大凡皆及肩臂痠疼當灸

膏肓 肩井 肩髃 無不效驗 背脊心紅腫痛 肩井

肺俞 風門 五樞 宜與痛痺門察看

脇痛

肝合於脹脇故脇屬肝然筋經所過則挾邪而痛亦有多端不

可執也且左右爲陰陽之道路故肝主陰血而屬左脇肺主陽
氣而隸治右脇左脇多怒傷或瘀血作痛右脇多痰氣或鬱結
作痛其間七情六淫之犯飲食勞動之傷皆足以致痰凝氣結
血留不可以痰氣專主於右左脇專主於血要知痰氣與血相
搏而爲痛也

肝氣宜順而不宜逆逆則痛痛不止而死矣故治脇痛必須平
肝平肝必須補腎腎水足而後肝木有養其氣自平而脇痛止
矣宜肝腎兼資湯熱地一兩白芍二兩當歸一兩白芥子三錢
枝子炒一錢山萸肉五錢甘草三錢水煎服此方補腎爲主滋
肝佐之兼理痰火一劑而脇痛止

傷寒少陽脇痛小柴胡湯不大便加枳殼不因傷寒脇痛身體
發熱枳殼桔梗細辛川芎防風乾葛甘草益枳殼爲脇痛的劑

所以諸方皆用之 脇痛而氣喘分氣紫蘇飲紫蘇桑白皮五味桔梗腹皮草果茯苓陳皮甘草薑煎服怒氣傷肝柴胡疎肝散川芎柴胡芍藥香附只殼陳皮甘草煎服 悲傷肺氣而脇痛推氣飲薑黃只殼桂心甘草爲末薑棗湯送下 痰血痛者日輕夜重午後發熱脈濡而短桃仁承氣湯加鱉甲青皮白芥子 蹶跌傷方同上痰飲脈沉滑弦導痰湯加白芥子甚者控涎丹下之

食積脇痛必有一條扛起香砂枳朮加查朴麩芽末丸服痰癖脇痛煮黃九巴豆炮去皮心五錢畧去油雄黃一兩同研如泥人白麩二兩水九麻子大每用十二丸湯煮入冷漿湯沉冷一晝夜盡十二丸冷漿下微利爲度不必盡劑 附治驗 一人受暑脇痛皮黃發泡清肝理氣俱不効用大瓜蒌搗爛加粉草

紅花少許入口而痛卽止又讀王字泰筆塵所載秦文山掌教平湖與家兄同官因勞而兩脇痛清晨並飢時尤甚以書呈家兄求余方余意其肝虛當補其子母用芪朮芎歸黃熟棗藥柏仁之類仍以細辛防風各少許薑棗煎服叮囑此方勿示他醫致令其笑不合口也無何而秦君貽書來謝云服不數劑而痛止余家長安時聞魏崑濱吏部之變亦因投謁忍飢歸而脇痛他無所若而粗工以青皮枳殼之類雜投遂至不起吁可不鑒哉司命者貴識圓通也執成說之害大矣

針法 怒傷肝氣血不歸原脇痛不止取
肝積氣塊脇痛及臧府虛冷兩脇刺痛取

行間 期門
支溝 章門

陽陵泉 臨泣

胸脇痛不可忍取 章門 行間 期門 坵墟

兩脇少氣 六脇痛 脚氣

兩脇下痛奄奄欲絕此爲奔豚急以熱湯浸兩手足頻頻易之

次炙

氣海

關元

期門各百壯

脚氣

脚氣之病前古未聞起於後世其頑麻腫痛者經所謂之痺厥也其衝心者經所謂厥逆也其痿軟不收者經所謂之痿厥也東垣云脚氣實由水濕然亦有二焉一則南方卑濕經曰清濕襲虛則病起於下此自外而感者也北方當食牛乳或飲酒過度脾胃有傷不能運化水濕下流此自內而致者也楊大受云脚氣爲壅疾治宜宣通不使壅也壅既成者砭去惡血然後服藥南方脚氣外感寒濕北方脚氣內傷濕熱此前人所未發者千金方云脚氣之病初起甚微人多不覺而飲食如故獨卒然脚弱或腫痛

脚氣之病初發頗似傷寒有壯熱頭疼惡食嘔吐或腹不快或二便秘或腹痛下利或昏憤錯亂或轉筋攣急或頑麻緩縱或上腫或下反不腫或少腹不仁皆其候也並作脚氣治

腫者爲濕脚氣不腫者爲乾脚氣總以除濕湯爲主半夏蒼朮

厚朴霍香茯苓陳皮白朮甘草木瓜兵郎薑棗煎服乾者加卜子濕者加青皮前廉陽明經白芷升麻葛根後廉太陽經羌

活防風外廉少陽經柴胡內廉爲厥陰經青皮吳萸川芎內前廉太陰經蒼朮白芍內後廉少陰經細辛獨活風勝者自汗

走注脈浮弦越婢加朮湯麻黃湯合芍藥甘草薑棗如惡風加附子脈微弱風引湯參苓朮附薑桂同麻黃石膏甘草川芎吳

萸獨活秦艽細辛杏仁防已防風寒勝者無汗攣急掣痛

脈沉瀯小續命湯麻黃防已防風桂附參芎芍芩杏加薑棗或

牛膝丸牛膝二兩川椒五錢附子一錢虎脛骨五錢末丸酒服
濕勝者腫疼重着脈濇細除濕湯見前 暑勝者煩渴身熱

脈洪數用清暑益氣湯加參麥各三分五味五粒 脚氣雖宜

宣通太過反能下注損脾如初發一身盡痛便溺阻隔先用導

氣羌活湯羌獨已實歸黃加芪蒼升柴後用當歸拈痛湯羌防

升葛二朮茵陳甘苦知猪澤歸加參如飲食不消心下痞悶開

結導飲丸半朮芩陳麩芽青實乾薑末丸服 脚氣衝心火氣

逆上也丹溪用四物加炒柏又用附子末津調敷湧泉穴 虛

熱者金匱腎氣丸 實症板柳為末童便調服或板柳木通牛

膝沉香為末薑湯送下

養正丹下氣甚捷宜酌用

針法 一切寒濕脚氣 三里 陽陵泉 風市 三陰交

坵虛 絕骨 崑崙

兩膝紅腫 膝關 膝眼 三里 委中 陰陵泉五穴

脚背紅腫 崑崙 坵墟 臨泣 太衝 行間 五穴

脚氣風冷搏於經絡也風毒氣中人因汗出腠理空疎邪得

乘之而入或先中手足十指或先中足心足跟或中膝脛初

覺即宜急灸所覺處二三十壯或三里絕骨為要穴也二穴

灸法 脚氣灸風市五百壯不復發一日灸之忽覺有蟲自足

心行至腰間即暈絕久方甦醒此真脚氣也

兩足轉筋灸陽陵泉承山三陰交一法灸脚踝十二壯內筋

急灸內踝四十壯外筋急灸外踝四十壯

又法用照海

遺精

內經曰腎者主水受五藏六府之精而藏之又曰腎乃閉蟄封藏之本精之處也又曰厥氣客於陰器則夢接內蓋陰器者完筋之所係也而脾胃肝腎之筋皆結聚於陰器然厥陰主筋故諸筋統屬於肝也○腎爲陰主藏精肝爲陽主辣泄故腎之陰虛則精不藏肝之陽強則氣不固若遇陰邪安於其竅與所強之陽相感則精脫失而成夢泄矣病之初起亦有不在腎肝而在心肺及在心肺脾胃之不足者然必傳於腎肝而後精遺也陽虛者補其氣陰虛者益其精陽強者泄其火隨其因而俾其偏○夢失之因於真陽不固故精脫之後其氣未能卒復不比人之內接而氣易可復也

思慮傷神則流淫不止又思想無窮所欲不得而爲白淫治法有五 神氣浮游用辰砂龍骨磁石之類以鎮墜之○思久氣

結成疾心竅閉塞宜猪苓丸半夏一兩破如豈大猪苓一兩同拌炒勿焦爲末糊丸桐子大空心鹹湯下○思想傷陰大鳳髓丹黃柏二兩砂仁一兩甘草五錢猪苓半夏茯苓連鬚益志各二錢半芡實糊爲丸○思想傷陽宜鹿茸菴蓉瑣陽兔絲之類○陰陽俱虛者人參茯苓神遠志棗仁蓮子芡實菖蒲當歸生地麥冬兔絲知母黃柏○又思欲不遂宜妙香散黃芪遠志山藥茯苓神各二兩人參甘草桔梗各五錢木香二錢五分辰砂三錢麝一錢爲末熔黃蠟四兩加茯苓末四兩作塊同煎服 色欲過度腎虛不禁四君子湯加山藥黃芪五味遠志枸杞巴戟鹿茸龜甲或六味丸加五味牝龍骨人參菴蓉兔絲○又有壯年盛滿寡欲而溢泄者黃柏知母生地地黃茯苓黃連蓮子菖蒲遠志澤瀉大凡身熱而脈洪或滑皆因於熱知柏猪澤二冬茯苓神生

地蓮子竹葉木通之類凡屬積滯癆熱等疾貴在疎泄不知其理但用固瀉反增其病矣惟滾痰丸下之最宜更與滋腎丸及木通猪苓之類無不立愈或用猪苓丸亦可○脾胃濕熱之人及飲酒厚味太過痰火爲患多致遺泄宜蒼白二陳加知柏升柴俾清升濁降脾胃健而遺泄止矣○又有鬼魅相感之症由正氣本虛欲心妄動邪因乘之其狀不欲見人如有晤對或言笑歌哭脈息乍大乍小乍有乍無或兩手如出兩人或尺寸各爲一等或脈來綿綿不知度數而顏色不變皆鬼邪之候也人參茯神遠志養其正生地當歸棗仁安其神硃砂雄黃沉香安息香麝香鬼箭羽虎頭骨辟其邪移寢室於向陽用多人作拌焚奇香不絕乃其治也○仲景治手足煩熱咽乾口燥或爲悸衄此陽上升而不降陰獨居而在內則爲夢失小建中湯和之

此世俗所昧也凡脫精不止固澀無功當瀉心火清理不愈則用升舉升柴二活甘以緩之甘草大棗酸以收之茱萸五味棗仁烏梅之類蓮鬚金櫻子桑螵蛸海螵蛸龍骨牡蠣固瀉之品知柏二冬芩連竹葉山枝清降之屬虛而不禁氣衰火微益智茱萸人參黃芪枸杞骨脂菴蓉胡桃韭子鹿茸桂附之屬擇而用之可也

夢失久而玉關不閉精竭而命亡矣俗惟以瀉爲事但瀉而不止奈何始於未甚之時大用補氣補精之藥不至於久而不禁此方保精用芡實山藥各一兩連肉五錢茯神二錢棗仁炒三錢人參一錢水煎服先將湯飲之後加白砂糖五錢拌入杏肉同食日日連服不半月而止矣品味平和淡而不厭收以

針灸法遺精白濁

心俞腎俞膏肓三里關元出極氣海三陰

交精宮卽關元命其對皆脊處是穴

赤白濁

內經無赤白二濁之名但云思想無窮所願不得意淫於外入房太甚發爲白淫又曰脾遺熱於腎則赤白從洩而下此濁之源流也靈樞云中氣不足洩便爲之變考內經之論雖屬腎家精氣下流因於脾病者亦復不少夫腎主閉藏以慳用事志意內治則精藏而固若勞逐於外思竭於內及脾熱移殃氣濕下陷則精氣離宮淫佚不守輒隨洩溺而下爲濁病也濁之爲症莖中熱痛渾如火灼刀刺而洩溺仍清惟竅端時流穢濁如膿淋瀝不斷出收精癆腐者十之七八由濕熱流注與脾虛下陷者十之二三不知其故以五苓八正雜投因而增劇者而卒不改殊可歎也○赤者屬小腸火本於心虛有熱由思慮而得之

生地麥冬骨皮竹葉黃芪山藥五味夫精亦血所化有濁去太多精化不及赤水變白故成赤濁此虛之甚也會見天癸未至強力好淫而所泄之精則繼之以血有之若溺不赤無他熱症又以赤濁爲熱也參芪朮草歸地杞味萸芡兔鬚遠神山棗或有心經伏暑而赤濁者四苓散加香薷麥冬人參蓮肉○白者屬大腸金本於氣分係腎虛有寒由嗜慾過度而得瀉有痛者疎之茯苓芩朮山甘芡蓮牛膝不痛者瀉之兔絲萸肉五味覆盆金櫻芡鬚骨脂甘草有濕痰流注者蒼朮二陳湯加升柴胃虛氣陷者補中益氣有小便如常少頃卽泛濁者或溺如米泔萹薢分清飲益智萹薢菖蒲芡苓山藥兔絲烏藥加鹽煎服有稠粘如膠莖中痛甚此非熱淋乃敗精癆塞加味清心飲苓車澤牛麥冬菖蒲益智遠志蓮心人參骨皮黃芩曾見白濁人服

清利之藥不効以八味丸溫之而愈或發口渴腎水枯也六味湯合生脈散治之○便溺泛濁如泔米此三消症也宜立兔丹乃遺精白濁之聖藥亦治三消兔絲十兩酒浸搗焙爲末立參四兩五味七兩酒浸另爲末白茯苓心肉各二兩山藥六兩其未將前所浸酒打糊拌爲丸米飲下四錢○消渴有三總係腎水虛以治渴也不必分上中下而合治之熟地三兩茱萸三兩麥冬二兩立參一兩車前子五錢水煎日日服之三消自愈○尺脈滑數宜清利浮虛急疾者難治遲者補之

小便黃赤有寒熱虛實之別素問曰諸病水液渾濁皆屬於熱宜知柏之類治之此熱症也脈經云尺法足脛逆冷小便赤宜服附子四逆湯此寒症也素問曰胃足陽明之脈盛則身已前皆熱其有餘於胃則消穀善飢溺色黃宜降胃火又云肝熱者

小便先黃宜降肝火此實症也又曰守太陰之肺脈氣虛則肩寒痛少氣不足以息溺色變宜補中益氣湯之類以補肺氣又曰冬脈者腎脈也冬脈不及則令人眇清脊痛小便變宜地黃丸之類以助腎脈此虛症也

小便遺失責在肺而不在腎蓋肺者腎之上源又其母也上源治則下流約矣甲乙經曰肺脈不及則少氣不足以息卒遺失無度故東垣謂宜安臥養氣禁勞役以黃芪人參之類補之不愈當責有熱加黃柏生地

遺精淋濁灸法

關元

膏肓

腎俞

精宮

二里

三陰

交

丹田

氣海

大茴香丸治白濁出髓條大茴人參白茯苓益智白朮骨脂棗仁各炒左顧牡蠣煨等分爲細末用清鹽酒糊丸梧子大每服二

十九食前米飲下治慮憊便濁滴地成霜九遠志肉蓮肉乾藕
節龍骨各一兩白礬煨朱砂各二錢五分爲末糯糊爲丸如桐
子大每服十五丸空心白湯下

赤白帶

明堂曰女人少腹痛裏急瘵癯月事不調赤白帶下越人曰帶
脈爲病腹滿腰溶溶如坐水中按帶脈起於季脇圍身一周如
帶然楊氏曰帶脈總束諸脈使不妄行如人束帶而前垂此
卽無帶下漏經之症矣

與男子精滑大同小異有胃中濕痰滲入膀胱宜健
痰二陳二朮升柴之類如久而氣虛加參芪肥人
炒黃柏瘦人多火夜熱脈數四物加炒黃柏青黛
黃芪氣滯者加葵花赤用赤花白用白花滑脫

不禁加牡蠣龍骨赤石脂有寒自覺加炮薑桂附○若帶下小
腹作痛者是鬱結痰氣下注也須兼辛收茴香炮薑之類○赤
者四物加椿根皮赤葵花炮薑升柴爲丸椒目湯送下熱用燈
心湯送下○白者用二朮白葵花白芍爲丸空心二陳湯下

凡帶下多起於氣鬱辛能開之鬱久必熱故佐以黃柏清之皆
有微意輕者正治升舉之重者或通之劫之不可執一甚者宜
吐以提其氣有下注頻頻腰腹以下如在冰雪中厚覆火烘猶
冷肌如骨立面如枯魚小便與帶下不分銀目眊二步履欹側
食少痞悶是上中下三焦俱病宜大補之○又云女人帶下其
色有五皆因風邪入於胞門而傳傷藏府所致也若傳於足厥
陰肝經帶色如青泥傳手少陰心經帶色如紅津傳手太陰肺
經帶色如白涕傳手太陰脾經帶色黃如爛瓜傳足少陰腎經

帶色黑如衄血人有帶脈圍於腰間如束帶之狀此病由此經而來故名帶下○白者屬氣赤者屬血各經見症有五色相雜者如陽氣大陷補中益氣湯濕痰下注如茯苓蒼朮半夏黃柏濕熱宜涼燥白芍青皮九白芍五錢椿根皮兩五錢炒黃黃柏二錢炒焦乾薑三錢炒黑共爲末粥丸每服三五十九空心米湯下○又方蒼朮鹹水炒乾薑煨滑石炒枳殼地榆炒神麩酒麩炒各等分爲末丸服米湯下○或因七情所傷脈來急數者加黃連香附木香

寒濕宜溫燥用草果去殼入麝少許以麩包火炮焦存性同麩爲末每用二錢陳皮湯調下重者三錢○又方椒目白芷爲末米飲下○又伏龍肝梁上塵各炒令烟盡出火毒棕櫚燒存性研勻入末射各少許每服三錢溫酒或淡醋湯下患十年者半

月可愈

疝

內經曰任脈爲病男子內結七疝女子帶下癥瘕又曰三陽爲病發寒熱其便爲頽疝○足陽明經爲病爲癘疝○面黃脈大有虛有積名厥疝○脾傳邪之腎各疝痕○上衝心痛不得前後爲衝疝○邪客厥陰二絡爲卒疝○厥陰之陰盛脈脹不通爲癘癘疝○肝所生病爲狐疝○心脈搏滑急爲心疝○肺脈沉搏爲肺疝○肝脈滑甚爲癘疝○脾脈微大爲疝氣○腎脈滑甚爲癘癘○又云少陽肺滑病肺風疝○太陰脈滑病脾風疝○太陽脈滑病腎風疝○少陽脈滑病肝風疝 歷觀經內總是任脈爲病而肝則佐任脈之生化者也任之陰氣爲疝肝之陽氣爲風是以風疝並稱也凡內邪外邪之感皆能使陰陽

不和陰勝則寒氣衝激陽勝則熱氣內盛恣致任脈爲疝如其邪不從任脈起而諸經所受之邪亦必犯任脈也攻於藏府則爲腹中之疝會於陰器則爲辜丸之疝

張仲景治寒疝腹中痛及脇痛裏急者當歸生薑羊肉湯主之本草衍義稱其無不應驗豈非補肝之力與余每治病甚氣上衝心危急者以八味丸投之立應又補腎之一驗也又大便不通當利大便如許叔微羅謙甫皆用芫花是已小便不通者利許叔微治宋芫再已五苓散是已今如纂要言不于腎經則五苓不當用又言疝不當下則芫花不可用其所列者惟數味破氣之藥苦辛雜收寒熱無別既不能補肝腎之真陰又不能通行二竅使邪有所洩而徒耗其氣於冥冥之中且日趨於爲而不覺也豈不悖哉深可痛也

朱丹溪發明醫理頗多而臨症處方又多以扶植元氣爲主熱意人遭厄運其手書皆不傳而傳於世者皆爲盲夫俗子裁剪增續疵繆實多纂要一書其行尤甚凡丹溪長處皆爲刪去大可恨也卽如疝症一門首載云專主肝經與腎經絕無相于而不知世所患者皆由腎虛而致肝乃腎之子而前陰則腎之竅也欲補其肝能無顧其母乎又世俗執肝無補法之說逢二疝症過用攻伐死者多矣今纂要中全不載一補法時師旣無自悟之明又無他書足考焉得而不誤也

按丹溪云疝有挾虛者脈不沉緊而豁大當以參朮爲主煉導佳之非補祛乎

巢氏所叙七疝者厥逆心痛飲食不下曰厥疝腹中滿痛氣積如臂曰癥疝得寒飲食脇腹皆痛曰寒疝腹中乍滿乍減而痛曰氣疝痛在臍旁曰盤疝臍下有積曰附疝小腹引陰而痛大

便難曰狐疝皆由陰氣積於內爲寒氣所加營衛不利故成疝也○又小兒啼哭不止動於陰氣結聚不散則陰核腫大而病瘻疝○又有飲食不節喜怒不時津液內結而爲類疝

張子和云巢氏所立之疝與經旨不合及其立論但辨陰器與小腸膀胱腎了不相干專屬肝經受病亦分七疝之名一曰寒疝陰囊水冷結硬如石陰莖不舉控睪而痛得于坐臥寒濕之處或冬月涉水或遇風雨畏熱貪涼使內過勞無子多欲宜溫劑下之二曰水疝腎囊腫痛陰汗如流囊如水晶或出黃水或小腹之內按之如水得之醉而使內汗出當風濕邪注于囊中宜逐水之劑下之三曰筋疝陰莖腫脹或瘻或痛裏急筋攣或莖中作痛或痒或挺總不收或精隨瘦下得於房勞太過及邪術所使宜清心之藥下之四曰血疝小腹兩旁狀如黃瓜得于

春夏之月燥濕之氣并勞于使內氣血流溢入胞囊中積成瘻膿宜和血之劑下之五月氣疝上連腎區下及陰囊得于忿怒啼哭則氣鬱而脹怒號卽罷氣亦隨消宜散氣之劑下之小兒亦有此疾得於父衰陽痿強力入房因而有子胎稟病也法無治治亦不効六曰脈疝臥則入於小腹行立則出復入囊中脈之日出夜入相類故曰脈疝宜逐氣流經之藥下之七曰癩疝陰囊腫大如斗不痛不痒得於地氣卑濕宜去濕之藥下之凡諸疝下後或調或補更有陰盛腹脹內有血膿小便不通瘻癰疝也

按子和之意亦忘內經任脈爲疝之本此其失一也靈樞云小腸病者少腹痛腰脊控睪丸而痛然則果有膀胱之症又安得不從此二經而成乎其失二也因執病在下者引而竭之必主

下之不問虛人亦必與之攻下禍不旋踵此其失三也
丹溪云罌丸運小腹急痛或有形無形或有聲無聲皆以爲經絡得寒收引而痛不知其始於濕熱壅遏又外感濕熱被鬱故作痛也宜枳實桃仁山梔吳萸山查生薑濕勝成痲痲加荔枝痛甚加鹽炒大茴痛處可按者加桂枝此亦前人所未備者也
○大凡痲症受熱則挺縱不收受寒則牽引作痛受濕則腫脹下墜三者之間審其熱之多少而治之亦一法也

腎有二罌丸亦有二又名外腎左屬水水生肝木木生心火三者皆司血分而統納左之血者肝之職也右屬火火生脾土土生肺金三者皆司氣分而統主右之氣者肺之職也故諸寒收引則血液迎泣下注於左丸諸憤鬱氣則濕歸肺下注於右丸此罌丸所絡之經非盡厥陰一經而大陰陽明之筋亦入絡也

往往見偏患左者則痛多腫少偏患右者則痛少腫多此亦氣血之明驗也○痛多腫少當歸白芍木香茴香青皮內桂木通之類治之痛少腫多二朮半夏茯苓木香烏藥枳殼猪苓荔枝木通之類治之發明云男子痲氣女人癭帶皆任脈所生也肝腎受病治法相同宜丁香棟實丸川棟子附子茴香歸尾各一兩酒二鍾同煮乾再焙爲末每末一兩入丁香木香各二錢爲末延胡索五錢全蝎十三枚去足翅炙又爲末入前項末拌勻酒打糊爲丸每服一錢酒送下凡痲氣帶下皆屬於風全蝎乃治風之藥川棟茴香能入小腸當歸延胡活血止痛痲氣帶下皆寒邪積聚入於大腸故用附子佐之丁香木香爲向導也若劑下撮急及周身皆痛小便數而清諸脈急而虛獨腎脈不急而無力名曰腎痲丁香痲氣丸烏藥與丁香茴香延胡防桂歸羌麻

同蝎草酒糊送春回

痲因虛得不宜驟補先去其邪然後補之天台烏藥散烏藥及
良薑青橘蒿木香川棟同巴炒初起効如嚮川棟散川棟三十
箇巴荳半同炒菖蒲青木香一兩共相搗荔枝核廿枚華薺五
錢加入麝少許和鹽湯二錢調此治因感寒故惜巴荳炒此惟
初起者二方所宜用不施於虛人

痲因鬱熱痛而便澀脈數者山梔二錢吳萸炒桃仁三七查實
炒生薑三片水同煎內鬱之熱多散了

小腸氣小腹引睪丸必連腰脊而痛小腸虛則風冷乘間而入
邪氣入則厥而上衝肝肺控引睪丸上而不下茴香靡棟吳萸
陳皮馬蘭花醋炒各一兩芫花醋炒五錢共末醋糊丸每服一
錢加至二錢酒送又方益智蓬朮各五錢大茴山藥牛膝續斷

川芎葫蘆巴防風牽牛炒甘草各二錢五分爲末每服三錢水
煎空心連滓服湯調不煎亦可

膀胱氣小腹腫痛不得小便是也五苓散一兩分三服葱白一
莖小茴一錢鹽八分水一鍾煎七分服三服後當下小便如墨
汁續用礪砂九木香沉香巴荳肉各一兩青皮二兩同慢火炒
紫色去巴荳爲末入礪砂一錢銅青三錢同研勻蒸餅丸梧子
大每服七丸至十九鹽湯空心下

丹溪發明醫理頗多臨症處治又多以扶植元氣爲主孰意人
遭厄運其手書皆不傳而傳於世者皆爲盲夫裁剪增續疵謬
實多纂要一書其行尤盛凡丹溪長處皆爲刪去甚可恨也卽
如痲症一門首載云專主肝經與腎經絕無相干而不知世所
患者皆由腎虛而致肝乃腎之子而肺陰腎之竅也欲補其肝

能無顧其母乎而世執肝無補法之說逢一疝症輒謂肝實過用克伐死者多矣今纂要中全不載一補法時師既無自悟之明又無他書可考焉得而不誤也按丹溪云疝有扶虛而發者其脉不甚沉緊而大谿無力是也當以參朮爲君疎導之品佐之何嘗無補法哉

張仲景治寒疝腹中痛及脇痛裏急者當歸生薑羊肉湯主之本草衍義稱其屢試屢驗豈非補肝之力乎余每治疝氣甚至衝危急者以八味丸投之立應則補腎之一驗也而大便不通當利大便如許叔微羅謙甫皆用芫花是已小便不通者當利小便如許叔微治宋荀甫以五苓散是已今如纂要言不干腎經則五苓不當用又言不可下則芫花不當用而所列者惟數種破氣之藥苦辛雜收寒熱無別既不能補肝腎之真陰又

不能通行二竅使邪有所洩而從耗其氣于冥冥之中且日趨於危而不覺者豈不悖哉

大凡各方多用燥濕之劑丹溪以爲濕熱蓋大勞則火起於筋醉飽則火起於胃房勞則火起於腎大怒則火起於肝火鬱之久濕氣便盛濁液凝聚并入血隧流於厥經肝性急速爲寒所束尤其痛甚此益補前人之未備要知痛處喜按而減者爲虛用桂枝山梔與川烏頭等分爲末薑汁糊丸以川烏治外束之寒梔子治內鬱之熱然不可守爲撥度也

針灸法大敦通主七疝兼以三陰交及灸水道九妙三穴

○女人疲聚即男子疝氣同原胃俞氣海行間四穴

腹中氣脹甲脊作痛食飲反多身體消瘦灸脾俞章門各七壯

○女人淋帶腎俞中封各五十壯或三陰交及中極氣海腎俞

曰上女人赤白帶下俱治八穴

癥瘕積聚痞塊疝疝

或問癥瘕與痞塊疝疝積聚有何分別其病相似請得其詳并論其治曰癥者徵也又精也以其有所徵驗及久而成精萃也王叔和脈經云左手脈橫癥在左右手脈橫癥在右昔人患癥瘕死遺言令剖腹視之得腹中病塊如石文理具五色後將削成刀柄因以刀刈三稜柄消爲水乃知三稜可療癥也一方蓬莪朮荆三稜酒煨煎服效又人疾體瘦喜飲鮮血謂之風癥無藥可療須千年朮梳燒灰服或飲黃龍浴水乃瘥瘕者假也又遐也以其假借氣血而成形又歷年遐遠之謂也癥瘕腹中積塊堅者曰癥有物形曰瘕史倉公傳螻瘕爲病得之酒且肉飲以芫花一撮出螻可數聲病已正義曰大狗魚鳥不熟食之成

瘕病方書云腹中雖硬忽聚忽散無有常準謂之瘕言病瘕而未及癥也經曰小腸移熱於大腸爲伏瘕痞者否也如天地不交之否內柔外剛萬物不通之義也物不可以化否故否久而成脹滿而莫能療焉積者跡也挾痰血而成形跡亦鬱積至久之謂耳聚者緒也依元氣以爲端緒亦聚散不常之意也疝瘕者懸絕隱僻又玄妙莫測之名六書故云瘕積茲急也本草陳藏器曰昔有患疝瘕者取大蒜合皮截去兩頭吞之名曰內炙果獲效疝者洗也氣洗洗然上入而痛也素問黃帝曰診得心脈而急爲何岐伯曰病名心疝少腹當有形也又脈急者曰疝瘕少腹痛史倉公傳臣意診之曰湧疝也令人不得前後溲中熱故溺赤又牡疝在鬲下上連肺病得之內切其脈得番陽番陽入虛裏處且日死一晝一絡者牡疝也方書曰二陽急爲瘕

三陰急爲疝難經曰任脈之爲病其內苦結男子爲七疝七疝者寒水筋血氣狐癩七者是也凡治七疝先灸天敦穴一名天順在足大拇指離爪甲如韭葉大乃足厥陰井也灸三壯愈大抵痞與疝癰乃胸鬲間之候積與聚爲壯腹內之疾因屬上中二焦之病故多見於男子其癥與瘕者獨見於臍下是爲下焦之疾故常得於婦人凡腹中積聚如塊俱爲惡候切勿視爲尋常而不求蚤治若待脹滿已成胸腹鼓擊雖倉扁復生亦莫能救邁斯疾者可不懼乎蚤治之法不可損傷胃氣當用和解軟堅積消痞開白朮五兩茯苓三兩神麴二兩地栗粉八兩人參五錢甘草一兩白芍三兩半夏一兩白芥子一兩卜子五錢厚朴五錢肉桂三錢附子一錢當歸二兩鱉甲一觔另爲細末已上俱共爲細末煉蜜丸每服五錢臨臥鹽湯下卽以美食壓之

使下一料盡未有不療者

一方枳殼去穰入巴豆一粒以麻皮紮之煮爛去巴豆焙爲末治一切痞良

針灸法食積血瘕痛胃俞氣海行間三穴

小兒痞氣久不愈灸中脘章門各七壯臍後脊中七壯痞塊

悶痛大陵中脘三陰交六穴

脾積氣塊痛脾俞天樞中脘氣海三里五穴

腹中有積作痛大便閉灸神闕用巴豆肉爲餅填入臍中灸三壯五壯一穴

淋閉癰

淋之爲病腎虛而膀胱熱也腎氣虛則便數膀胱熱則溺窳塞窒淋瀝不快小腹弦急痛引於臍分有石淋勞淋血淋氣淋膏

淋冷淋之別沙石淋如湯瓶結碱尿難卒出宜清熱用如聖散
馬蔞花麥冬芽根冬葵子葶歷枳實連喬或石葦瞿麥滑石之
類勞淋者遇勞即發痛引氣衝純宜補之參芪歸芍茯苓遠志
鹿茸牛膝條芩生地車前之類血淋者心遺熱於小腸甚則血
與溺俱下候其鼻色黃者小便難也牛膝側柏藕節生地赤芍
小蘗歸尾車前之類氣淋者胞內氣脹小腹堅滿溺有餘瀝石
韋去毛赤芍藥茅根冬葵木香木通瞿麥滑石枳殼芒硝之類
膏淋者液如脂膏精濁俱出兔絲桑螵蛸茯苓澤瀉鹿角霜之
類冷淋者冷客下焦先寒戰而後便數成淋菹蓉地黃山藥
石斛牛膝栝榔官桂附子細辛黃芪黃連甘草至於小便艱難
不痛而痒虛也八味丸加鹿茸人參小腹膀胱按之內痛若沃
以湯澀於小便上為清涕此名胞痺赤苓細辛防風白朮桂附

芪芍紫苑生地花粉甘草山茱山藥牛膝半夏獨活其為未蜜
丸或腎着湯見腰痛門腎瀝湯見痺門

胞痺灸法

三陰交三壯宜脈大而實忌虛小而瀦一穴

虛人宜補氣血勿利小便恐竭其水也

小便不禁係肺氣虛不能統攝而致下陷則遺失也宜用雞脍

鹿龍骨遠志兔絲人參牡蠣五味海螵蛸睡而遺尿為下元冷

桑螵蛸韭子兔絲鹿茸人參之屬

小便閉癰

暴為閉則點滴不通久為癰則淋漓頻數點滴不

通為病最急內經曰肝之脈過陰器所生病者閉癰又云督脈

王宗筋女人入繫廷孔男子循莖至纂所生病不得前後又言

三焦下輪人絡膀胱約則癰虛則遺溺又云膀胱不利為癰不

約為遺溺此四經而主出者肝與腎脈及三焦耳然膀胱為州

都之官津液藏焉氣化則能出矣其形有下口而無上口夫主
氣化者太陰肺也若使肺燥不能生水則氣化不及州都法當
清金潤肺紫苑麥冬桑皮茯苓車前之類如脾濕不運而精不
上升故肺不能下輪法當健胃燥脾二朮茯苓半夏之類如腎
本潤熱膀胱不利法當滋腎滌熱知柏元參地黃澤花之類夫
滋腎瀉膀胱名爲正治清金潤燥名爲隔二之治健胃燥脾名
爲隔三之治又或有水液只滲大腸小府因而潤竭宜以淡滲
之品分利之茯苓猪苓澤通之類或有氣滯不能通調水道下
輪膀胱宜順氣爲主枳殼橘紅木通之類有人實熱者非與純
陰之品則陽無以化上熱枝子黃芩中熱黃連芍藥下熱黃柏
知母有大虛者非與溫補之劑則水不能行如金匱九入味丸
及補中益氣湯是也

東垣治一人小便不通目突腹脹皮膚欲裂用淡滲藥不效東
垣曰疾急矣膀胱之府必氣化乃出服淡滲而病甚是氣不化
也無陽則陰無以生無陰則陽無以化淡滲氣薄皆陽藥也孤
陽無陰欲化得乎以滋腎陰之品投之立愈丹溪曰吾以吐法
通小便譬如滴水之器上竅閉則下竅無以自通必上竅通而
下竅之水出焉氣虛者補中益氣湯先服後吐血虛者芎歸湯
先服後吐痰多者二陳湯先服後吐氣閉者香附木香探吐或
有瘀血而小便閉者牛膝桃仁爲要藥別錄云小便不利審是
氣虛獨參湯如神由是觀之則受病之源自非一途若不從望
聞問切察之明審之當而浪投藥劑幾何不以人命爲戲耶
附氣閉不通方

陳皮去白木服三錢酒調下外用鹽入臍孔葱口頭十餘根紫切指厚艾火灸之

前陰諸病

督脈肝脈任脈皆前陰所過之脈又太陰陽明之所合俱聚於陰器男子爲玉莖女人爲玉門所關甚大也寒則筋縮收入腹內此危候也桂附柴芍歸苓之屬熱則凝滯不收小柴胡湯龍膽瀉肝湯甚者小承氣湯下之陰痿者膏肓虛肝傷八味丸主之或保真丸熟地杜仲薑蜜炒山藥茯苓乳拌曬七次各二兩鹿膠八兩切豆大同鹿角霜炒成珠兔絲酒煮曬山黃肉各一兩半牛膝酒蒸五味炒益智小茴鹹水炒川練酥炙遠志甘草湯泡去心巴戟酒浸去心各一兩補骨脂胡盧巴柏子肉山甲酒炙沉香各三錢全蝎去足尾錢五分嫩菴蓉四兩酒洗去甲及溼淨二兩酒煮成膏煉蜜和前藥末搗爲丸如桐子大每服三錢酒送下○前陰冰冷有汗宜補肝湯參芪苓草羌防柴葛升知柏澤蒼歸翹麴豬陳煎服陰汗不止青蛾丸杜仲四兩補骨

脂四兩胡桃肉三十枚研膏入煉蜜和前末丸桐子大每服五錢砂仁湯送下外用蛇床子末同蜜陀僧末撲之良前陰溼痒椒粉散麻黃蛇床狗脊猪苓川椒紅花當歸肉桂輕粉共爲末之肉服方大蒜煨去皮研入江西淡豆豉和丸硃砂末爲衣燈心湯下錢許

陰囊濕痒先用吳茱萸煎湯洗之後用吳茱萸五錢黃柏末硃黃末各二錢寒水石三錢蛇床澤瀉各五錢栝榔枯礬白芷三錢輕粉一錢爲末撲之良

陰腫痛風熱也沉香檳榔丹參白蒺藜只殼茯苓赤芍苦參今麝而有氣攻衝上下木香赤苓丹皮澤瀉防風栝榔郁李仁服末

女人陰腫痛枳實切片炒熱絹包熨冷卽易熨數次効
陰吹者婦人胃氣下泄陰吹甚暄猪油八兩亂髮如拳大人油

煎化爲度分二服病從小便出

陰寒 吳茱萸 丁香 爲末塞之 硫黃煎洗

陰腫痛 肉菴蓉 牛膝 煮酒服 蛇床煎洗

女人疝瘕痛 白芷藁本 華茱白蘇皮 羌活陽起石可服

陰脫 華麻子研膏貼頂心及臍半夏爲末搐鼻則上

產門不合 石灰炒熱淬水洗

後陰諸疾

脫肛有瀉痢而脫者有痔漏而脫者屬虛也宜補而瀉之五倍

子未敷之托入如此五七次不復脫煎湯洗亦上有大腸受熱

受寒皆能脫肛熱者五倍朴硝湯洗寒者香附荆芥湯洗木賊

燒灰存性射少許大便後同梧末敷之 氣虛下陷用補中益

氣湯 大腸熱者四物湯加荆防芩連 瀉久脫出補中益氣

湯加五味訶子蓮肉煎服

腫痛屬熱者生地芩連梔柏升柴 挾寒者香附砂仁肉桂荆芥

防風日久不愈訶子龍骨各二錢五分沒石子二個粟殼赤石

脂各二錢爲末米飲下一錢外用蟹頭灰敷

痔漏作痛蜈蚣焙研入片腦敷之或香油煎過入五倍末調塗

又田螺人片腦取水搽又孩兒茶同麝少許睡調敷痔腫燈火

炸之腫消枳殼水煎熏洗早蓮汁塗之良

反花痔木瓜末鱉涎調敷桃葉柝坐蜜陀僧同銅青塗

漏孔無名異火煨醋淬研塞水銀同棗研塞

腸鳴有虛有水飲有蟲積 脾虛四君子湯加薑連

肺移寒於腎爲湧水水者按之腹不堅水氣容於大腸疾行則

鳴如囊裏水之聲葶藶澤瀉椒目桑皮杏仁猪苓各五錢爲末

葱白湯送五分以利爲度

胃寒作瀉腸鳴升陽除濕湯加益智半夏相火激動真水二陳

湯加配三黃梔子痰飲腹內雷鳴大戟主之

心腹邪氣上下雷鳴幽幽如走水海燥昆布女萎並主之

交腸痛

大小便易位而出或因醉飽或因大怒藏府乖張不循常道當吐以提其氣使闌門清利得心別之職司服五苓散加木香枳殼即愈

病機沙篆卷六終

